



ԿԵՆՍԱԳՐՈՒԹՅՈՒՆ

ՀՀ ԳԱԱ ՊԱՏՄՈՒԹՅԱՆ ԻՆՍՏԻՏՈՒՏԻ ԳԻՏԱԿԱՆ
ՔԱՐՏՈՒՂԱՐ, ԱՎԱԳ ԳԻՏԱՇԽԱՏՈՂ, ՊԱՏՄԱԿԱՆ
ԳԻՏՈՒԹՅՈՒՆՆԵՐԻ ԹԵԿՆԱԾՈՒԻ, ԴՈՑԵՆՏ

ՀԱԿՈՐ ՂԱՐԻՔԻ ՄՈՒՐԱԴՅԱՆԻ

Ծնվել է 1977 թ. հուլիսի 18-ին Հայաստանի հանրապետության Արմավիրի մարզի Նոր Արտազերս գյուղում: 2005 թ. բնակություն է հաստատել Երևանում:

Սովորել է տեղի միջնակարգ դպրոցում, որն 1994 թ. ավարտելով՝ ընդունվել է Երևանի Խաչատուր Աբովյանի անվան հայկական պետական մանկավարժական ինստիտուտի պատմաաշխարհագրական ֆակուլտետի պատմության բաժին, այն ավարտելով 1998 թ.՝ ընդունվել է ՀՀ ԳԱԱ պատմության ինստիտուտի արտադրությունից կտրված ասպիրանտուրա: 2001 թ. օգոստոսի 1-ին հրամանագրվել է ՀՀ ԳԱԱ պատմության ինստիտուտի Նոր պատմության բաժնի «Հայաստանը 1914-1918 թթ. առաջին համաշխարհային պատերազմի տարիներին» թեմատիկ խմբում որպես կրտսեր գիտաշխատող: 2001 թ. սեպտեմբերի 7-ին հաջողությամբ պաշտպանել է թեկնածուական ատենախոսություն «Կարսի նահանգի վարչաժողովրդագրական պատկերը 19-րդ դարի առաջին երեսնամյակին» թեմայով և ստացել պատմական գիտությունների թեկնածուի գիտական աստիճան, 2003 թ. հրամանագրվել է որպես գիտաշխատող ՀՀ ԳԱԱ պատմության ինստիտուտի Նոր պատմության բաժնի «Հայաստանի պատմական ժողովրդագրություն» թեմատիկ խմբում, իսկ 2005 թ.՝ ավագ գիտաշխատող:

2003-2008 թթ. ՀՀ ԳԱԱ պատմության ինստիտուտի գրադարանի վարիչ:

2008 թ. հոկտեմբերից ՀՀ ԳԱԱ պատմության ինստիտուտի գիտական խորհրդի, դեկտեմբերից ՀՀ ԳԱԱ պատմության ինստիտուտի գիտական, իսկ 2011 թ. մարտից ՀՀ ԳԱԱ պատմության ինստիտուտում գործող ՀՀ ԲՈՂ-ի 004 մասնագիտական խորհուրդի գիտական քարտուղարն է:

2001-2003 թթ. դասախոսել է Երևանի պետական համալսարանի Իջևանի մասնաճյուղում (Հումանիտար գիտությունների ֆակուլտետի պատմության և քաղաքագիտության ամբոնի ասիստեն), 2003-2004 թթ. աշխատել է Լորիս Քալաշյանի անվան Հայկական բաց համալսարանի «Դիվանագիտություն և միջազգային հարաբերություններ» ֆակուլտետում որպես դեկան և դասախոս, 2002-2009 թթ. դասախոսել է Երևանի Հրաչյա Աճառյանի անվան համալսարանում, 2006-2014 թթ.՝ Երևանի Վ. Բյուսովի անվան պետական լեզվաբանական համալսարանում:

2008 թ. ստացել է դոցենտի կոչում:

ՀՀ ԳԱԱ և Կրթամշակութային աշխատանքային միջազգային ծրագրերի փոխանակում ընկերակցություն հասարակական կազմակերպության կողմից արժանացել է գովեստագրի 2001 թ. ընթացքում հումանիտար գիտությունների բնագավառում գիտական ձեռքբերումների համար, իսկ 2003 թ. ՀՀ ԳԱԱ նախագահության կողմից արժանացել է պատվոգրի գիտության բնագավառում ունեցած բազմաբեղուն գործունեության համար: 2013 թ. արժանացել է Գովեստագրի՝ ինստիտուտի հիմնադրման 70-ամյակի առթիվ և արդյունավետ գիտական գործունեության համար:

Մասնակցել է մի շարք գիտաժողովների և ԱՊՀ երկրների երիտասարդ պատմաբանների միջազգային մի քանի ամառային դպրոցի աշխատանքներին:

Հեղինակ է մոտ մեկ տասյնակ գիտական հոդվածների:

Հեղինակել է մեկ մենագրություն (Կարսի նահանգի վարչաժողովրդագրական նկարագիրը 19-րդ դարի առաջին երեսնամյակին, Ե., ՀՀ ԳԱԱ ՊԻ, 2006, 236 էջ) և մեկ ուսումնամեթոդական ձեռնարկ (Կուրսային և ավարտական աշխատանքների մեթոդական ցուցումների ու Հայոց Նոր պատմության (XVII դ. II կես – 1918 թ.) թեմաների ձեռնարկ, Եր., ՀՀ ԳԱԱ ՊԻ, 2008, 102 էջ):

Գ Ի Տ Ա Ժ Ո Ղ Ո Վ Ն Ե Ր

1. Կարսի նահանգի վարչաժողովրդագրական պատկերը 19-րդ դարի 1-ին երեսնամյակին, Երիտասարդ գիտաշխատողների 26-րդ նստաշրջանի զեկուցումների հիմնադրություններ, ՀՀ ԳԱԱ Պատմության ինստիտուտ, Երևան, հունիս 29-30, 1999, էջ 11-13:

2. Կարսի նահանգի վարչատարածքային բաժանումը 19-րդ դարի 1-ին երեսնամյակին, Երիտասարդ գիտաշխատողների 27-րդ նստաշրջանի զեկուցումների հիմնադրույթներ, ՀՀ ԳԱԱ Պատմության ինստիտուտ, Երևան, նոյեմբերի 2-3, 2000, էջ 7-8:

3. Ժողովրդագրական տեղաշարժերը Կարսի նահանգում XVI-XIX դ. առաջին կեսին, Հայաստանի պատմական ժողովրդագրության հիմնահարցեր. Հայկական լեռնաշխարհը հայ էթնոսի բնօրրան /Հայագիտական գիտաժողով, 2004թ. հունիսի 17-19, Զեկուցումների հիմնադրույթներ/, Գիտաժողովը նվիրվում է Սասունի 1904թ. հերոսամարտի հարյուրամյակին, Երևան, 2004, էջ 46-49:

Հ Ո Դ Վ Ա Ծ Ն Ե Ր

1. Ժողովրդագրական տեղաշարժերը Կարսի նահանգի Կաղզվանի գավառում /17-19-րդ դարի 1-ին երեսնամյակին/, Կանթեղ, գիտական հոդվածների ժողովածու, ՀՀ ԳԱԱ հումանիտար գիտությունների բաժանմունք, Երևան, 2001, N 4, էջ 171-177:

2. Ժողովրդագրական տեղաշարժերը Կարսի նահանգում 19-րդ դարի 1-ին տասնամյակում, Հայոց պատմության հարցեր, ՀՀ ԳԱԱ Պատմության ինստիտուտ, գիտական հոդվածների ժողովածու, Երևան, 2001, N 2, էջ 51-59:

3. Ժամանակագրություն կարսեցի Ավետիս քահանայի /ծանոթագրությունները՝ Հ. Մուրադյանի/, ՀՀ ԳԱԱ Հնագիտության և ազգագրության ինստիտուտ, Վավերագրեր, Երևան, 2001, N 2, էջ 13-40:

4. Ժողովրդագրական տեղաշարժերը Կարսի նահանգում 1813-1823 թթ., Հայոց պատմության հարցեր, ՀՀ ԳԱԱ Պատմության ինստիտուտ, գիտական հոդվածների ժողովածու, Երևան, 2002, N 3, էջ 40-49:

5. Ժողովրդագրական տեղաշարժերը Կարսի նահանգում XVI-XIX դ. առաջին կեսին, Հայոց պատմության հարցեր, ՀՀ ԳԱԱ Պատմության ինստիտուտ, գիտական հոդվածների ժողովածու, Երևան, 2005, N 5, էջ 61-76:

6. Некоторые правовые аспекты военно-гражданских отношений в Республике Армения, “Власть и общество в истории: Геополитические изменения на постсоветском пространстве в конце XX – начале XXI вв.”, Кишинев, 2008, с. 141-143.

7. 1839 և 1856 թթ. հրովարտակաները և արևմտահայ քաղաքական կյանքը.-Հայոց պատմություն, հ. III, գիրք առաջին, Նոր ժամանակաշրջան (XVII դարի երկրորդ կես- XIX դարի վերջ), Եր., Զանգակ-97, 2010, էջ 283-296:
8. Հայ ժողովրդի մասնակցությունը 1853-1856 թթ. Ղրիմի պատերազմին.-Հայոց պատմություն, հ. III, գիրք առաջին, Նոր ժամանակաշրջան (XVII դարի երկրորդ կես- XIX դարի վերջ), Եր., Զանգակ-97, 2010, էջ 296-308:
9. Участие армянского народа в Крымской войне (1853-1856 гг.) // Revista de istorie a Moldovei, Nr. 3-4 (83-84), 2010, p. 116-128.

Մ Ե Ն Ա Գ Ր ՈՒ Թ Յ ՈՒ Ն

1. Կարսի նահանգի վարչաժողովրդագրական նկարագիրը 19-րդ դարի առաջին երեսնամյակին, Ե., ՀՀ ԳԱԱ ՊԻ, 2006, 236 էջ:

ՈՒ Ս ՈՒ Մ Ն Ա Մ Ե Թ Ո Ղ Ա Կ Ա Ն Ձ Ե Ռ Ն Ա Ր Կ

1. Կուրսային և ավարտական աշխատանքների մեթոդական ցուցումների ու Հայոց Նոր պատմության (XVII դ. II կես – 1918 թ.) թեմաների ձեռնարկ, Եր., ՀՀ ԳԱԱ ՊԻ, 2008, 102 էջ: